




Concello do Porriño
Concellería de Cultura



biblioteca
municipal
do porriño

ACOMPAÑANDO NA AVENTURA DE CRECER

XORNADAS PARA FAMILIAS E PROFESIONAIS



**IMPACTO DAS PANTALLAS NO
DESENVOLVEMENTO COGNITIVO**

ENTENDE COMO CRECE

APRENDE A VER COMO VE

O XOGO A TRAVÉS DOS SENTIDOS

IMOS QUERERMOS BEN!

**DESDE LACTAR ATA FALAR, TODO
UN CAMIÑO DE COMUNICACIÓN**

**VEN 14
XAN
18H30**

**VEN 11
FEB
18H30**

**VEN 11
MAR
18H30**

**VEN 8
ABR
18H30**

**VEN 13
MAI
18H30**

**VEN 10
XUÑ
18H30**

Nestas xornadas organizadas desde a Concellería de Cultura e Igualdade do Porriño, a través da biblioteca municipal, abordarase, desde diferentes puntos de vista, como podemos favorecer o correcto desenvolvemento das nosas fillas e fillos desde que nacen e na súa primeira etapa infantil, para favorecer unha vida adulta máis saudable e enriquecedora.

Desde diferentes perspectivas profesionais, trataranse varios temas de suma importancia para o desenvolvemento infantil, que funcionan como termómetros para avalialo: a linguaxe, o psicomotricidade, as emocións ou a visión, entre outros.

Ofrecerase valiosa información que, desde o coñecemento científico actual, permita acompañar esta etapa primordial, onde se asentan as bases do equilibrio vital e así saber afrontar os diferentes retos na vida adulta.

Grazas á neurociencia, sabemos que ter unhas persoas coidadoras de referencia e un variado número de experiencias sensoriais, brindaralle ás cativas e aos cativos as oportunidades para acadar un bo desenvolvemento na procura do seu máximo potencial.

Todo isto, exposto desde a sinxeleza das experiencias vitais que nos ofrece o día a día e coa atención posta nos detalles importantes, que a miúdo pasan desapercibidos polo remuío de ofertas e o ritmo estresante ao que estamos expostas/os.

Unha oportunidade única para saber do desafío que supón o desenvolvemento do cerebro infantil e cal é o noso papel como persoas coidadoras; como as figuras referentes ou as persoas que atendemos as súas necesidades en momentos puntuais. O xeito de comunicármonos coas crianzas tamén as condiciona.

VEN 14
XAN
18H30
—
C E N T R O
C U L T U R A L
M U N I C I P A L

IMPACTO DAS PANTALLAS NO DESENVOLVEMENTO COGNITIVO

Moitas familias e profesionais, levadas pola falsa crenza de que a tecnoloxía é sinónimo de desenvolvemento, introducen as súas crianzas no mundo dixital a idades prematuras, inferindo que os seus cerebros son diferentes aos das xeracións anteriores. A través desta conferencia, coñeceremos cal é o impacto do uso das pantallas no desenvolvemento cognitivo a todos os niveis e por que é importante intentar retrasar este uso.

MARÍA COUSO BARJA

Pedagoga e mestra, que leva desenvolvendo a súa paixón pola educación desde hai 16 anos. Intervén no proceso de mellora da aprendizaxe en nenas e nenos con dificultades e axuda á inserción no sistema de crianzas adoptadas no estranxeiro por familias galegas.

Desde 2019 ofrece formacións ao profesorado e ás familias de forma aberta por todo o territorio nacional co seu proxecto en modalidade presencial “Cerebro e Xogo”, que promove o uso dos xogos de mesa como ferramenta de aprendizaxe (ABX) e facilita o seu achegamento pola rede social de Instagram a través do perfil Play.FunLearning. Paralelamente, imparte formación sobre competencia lingüística e matemática, así como sobre desenvolvemento cognitivo en universidades, foros de educación nacionais e centros de formación docente.

**VEN 11
FEB
18H30**

**C E N T R O
C U L T U R A L
M U N I C I P A L**

ENTENDE COMO CRECE

O contido da charla será o desenvolvemento motor na primeira infancia, falaremos sobre os principais fitos de cada etapa e explicaremos como acompañar as nosas crianzas en cada momento, así como algunas claves para detectar calquera disfunción de maneira precoz.

VANESA GÓMEZ GÁNDARA

Vanessa é fisioterapeuta colexiada. Especialista en pediatría, con formación en fisioterapia respiratoria, desenvolvemento motor, problemas dixestivos e terapia manual.

Imparte talleres de formación para familias, en colaboración coas matronas nos talleres prenatais e postnatais. Na súa imparable curiosidade por aprender, actualmente traballa na formación “Método B-B”, unha disciplina integradora no tratamento coas crianzas. Amais, organiza charlas sobre masaxes infantís e é asesora de lactancia e porteo, entre outras.

**VEN 11
MAR
18H30**

**C E N T R O
C U L T U R A L
M U N I C I P A L**

APRENDE A VER COMO VE

Nesta conferencia falarase de canto e como ven as nenas e nenos nas diferentes etapas vitais desde o seu nacemento. Coñeceranse os comportamentos e limitacións para saber acompañar o seu desenvolvemento visual. Este coñecemento servirá de axuda para detectar precozmente posibles interaccións da visión nas súas aprendizaxes.

ANTÍA BLANCO BERNÁRDEZ

Diplomada e graduada en Óptica e Optometría pola Universidade de Santiago de Compostela. Máster en Investigación en Ciencias da Visión e Alta Especialización en Optometría Comportamental e Terapia Visual. Premio de fin de carreira á Excelencia Académica da Comunidade Autónoma de Galicia. Fundadora e directora clínica do Centro Videre. Apaixonada da investigación optométrica, a divulgación e o día a día no seu centro. Ademais, é socia clínica e membro da actual Xunta de SIODEC (Sociedade Internacional de Optometría do Desenvolvemento e o Comportamento).

**VEN 8
ABR
18H30**

**C E N T R O
C U L T U R A L
M U N I C I P A L**

O XOGO A TRAVÉS DOS SENTIDOS

Unha precisa e axeitada integración sensorial senta as bases para a percepción e o movemento, a regulación e o dominio dunha gran cantidade de habilidades para a vida. Nesta xornada aprenderemos como fomentar, a través do xogo, un bo procesamento sensorial nas nosas crianzas, fundamental para a aprendizaxe e a saúde ao longo do seu desenvolvemento.

MARI CARMEN VAQUEIRO ÁLVAREZ

Terapeuta ocupacional especializada en infancia e en integración sensorial pola Universidade do Sur de California. Está en continua formación en áreas que enfocan un modelo transdisciplinario. Apaixonada da natureza e dos seus beneficios, fundou un centro de estimulación innovador no Porriño, Inquedanzas, onde actualmente dirixe un equipo multidisciplinario de profesionais e no que acompaña ás crianzas e ás familias.

VEN 13

MAI

18H30

**C E N T R O
C U L T U R A L
M U N I C I P A L**

IMOS QUERERMOS BEN!

O tipo de apego e o estilo de crianza familiar inflúen no desenvolvemento psicosocial da/o nena/o e da persoa adulta. Aprende a validar as súas emocións e a acompañala/o na súa aprendizaxe de autorregulación e autonomía.

VANESSA CORTEGOSO DÍAZ

Psicóloga especializada en trauma e apego. Máster en Neuropsicoloxía, Terapeuta EMDR e Neurobiofeedback. Facilitadora en disciplina positiva e crianza respectuosa.

**VEN 10
XUÑ
18H30**

**C E N T R O
CULTURAL
MUNICIPAL**

DESDE LACTAR ATA FALAR, TODO UN CAMIÑO DE COMUNICACIÓN

Charla evolutiva desde a importancia da lactación e os seus beneficios para as crianzas a nivel muscular á hora de desenvolver a linguaxe, e que destrezas son as más importantes para conseguir unha linguaxe formal e poder comunicarse con calquera persoa.

EVA LÓPEZ DOMÍNGUEZ

Diplomada en Logopedia e en Audición e linguaxe pola Universidade da Coruña. Posgrao de atención de calidad e integración en persoas con autismo. Asesora de lactancia, con 18 anos de experiencia como logopeda en diferentes entidades públicas e privadas. Fundadora e coordinadora do centro de estimulación e aprendizaxe Afalar desde 2010. Coidadora de nenas e nenos con discapacidade para a Xunta de Galicia e cunha experiencia profesional que abarca desde o nacemento ata a vellez, con maior énfase na poboación de 3 a 18 anos.

coordinadora

LAURA ALONSO COTO

Óptica-optometrista con formación de posgrao en Optometría Clínica e Terapia Visual. Ampla e continua formación no ámbito do desenvolvemento infantil, así como asistente e relatora en diferentes cursos do ámbito nacional e internacional.

Socia clínica de SIODEC (Sociedade Internacional de Optometría do Desenvolvemento e o Comportamento) e socia voluntaria de “Abre sus Ojos”, con quen colabora nos programas de avaliación a pacientes con discapacidade intelectual e necesidades visuais.

Actualmente, traballa como profesora impartindo cursos para optometristas coa “Asociación Española de Optometristas Unidos” e dirixe a súa propia consulta de optometría na clínica “Sastre & Rojo” (Vigo).

Xa o sabes, garda na túa axenda o segundo venres de cada mes do primeiro semestre de 2022! Non o esquezas, ás 18:30 h no Centro Cultural Municipal.

CORREO ELECTRÓNICO

xornadasbiblioteca@oporrino.org

Neste correo podes adiantarnos as túas inquedanzas ou intereses, que se resolverán na charla pertinente.

SERVIZO DE ACOMPAÑAMENTO INFANTIL

Durante o tempo da charla contaremos con persoal para acompañar as vosas crianzas e aproveitar para mostrarlles o fondo bibliográfico da biblioteca municipal.

CÓDIGO QR

Centro de
Interese Crianza
da Biblioteca
Municipal
do Porriño





Concello do Porriño
Concellería de Cultura



biblioteca
municipal
do porriño

A túa
biblioteca +

